



## CONVENIO ENTRE A AXENCIA GALEGA DE INNOVACIÓN E AGENCIA ESTATAL CONSEJO SUPERIOR DE INVESTIGACIONES CIENTÍFICAS, M.P. (CSIC) PARA O DESENVOLVEMENTO DE PROGRAMAS DE I+D+i NO PERÍODO 2025-2026

### MEMORIA XUSTIFICATIVA

A directora da Axencia Galega de Innovación da Consellería de Educación, Ciencia Universidades e Formación Profesional **DECLARA:**

Que a Xunta de Galicia ten previsto formalizar coa Agencia Estatal Consejo Superior de Investigaciones Científicas, M.P. (CSIC) o instrumento convencional arriba referido por un período de vixencia de dous anos a contar dende a súa entrada en vigor, de conformidade co previsto no artigo 34.2 da Lei 14/2011, de 1 de xuño, da Ciencia, Tecnoloxía e a Innovación, trala modificación operada pola Disposición final novena, apartado primeiro, do Real Decreto-lei 36/2020, de 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transformación e Resiliencia.

Que o instrumento convencional ten por obxecto:

A realización dun conxunto de accións recompiladas en dous Programas de I+D+i que se desenvolverán nos institutos de investigación do CSIC en Galicia, así como nos centros oceanográficos do CSIC-IEO, que se concretan no anexo II deste convenio para o período 2025-2026. A proposta en relación cos institutos de investigación e centros oceanográficos do CSIC-IEO ten como obxectivo conseguir unha investigación de excelencia e a consolidación dos centros de coñecemento, e basearase nos seguintes eixes de actuación, definidos no anexo I:

1. Potenciación de liñas estratéxicas de investigación para promover a excelencia científica técnica.



2. Formación, captación e retención de talento, situando ao investigador como principal valor das actividades de I+D+i.
3. Fomento da participación e captación de fondos dos programas europeos de I+D+i para posicionar a investigación realizada en Galicia no Espazo Europeo de Investigación.
4. Protección, valorización e transferencia dos resultados de investigación para que actúe como motor de crecemento económico.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

1. O CSIC está constituído como Axencia Estatal e, en dita condición, réxese polo establecido nos artigos 108 bis e 108 sexies (introducidos pola Lei 11/2020, de 30 de decembro, de Presupostos Generales del Estado para 2021) da Lei 40/2015, de 1 de outubro de 2015, de Régimen Jurídico del Sector Público e polas disposicións do seu Estatuto, aprobado polo Real Decreto 1730/2007, de 21 de decembre. O CSIC conta na Comunidade Autónoma de Galicia con cinco institutos de investigación sen personalidade xurídica diferenciada: o Instituto de Investigaciones Marinas de Vigo (IIM), a Misión Biológica de Galicia (MBG), o Instituto de Investigaciones Agrobiológicas de Galicia (IIAG), o Instituto de Estudios Gallegos Padre Sarmiento (IEGPS) e o Instituto de Ciencias del Patrimonio (INCIPIT).

Así mesmo, o Instituto Español de Oceanografía foi creado polo Real Decreto de 17 de abril de 1914 como Organismo Público de Investigación, con autonomía, personalidade xurídica e patrimonio propios. Actualmente, e debido á entrada en vigor do Real Decreto 202/2021, de 30 de marzo de 2021, por el que se reorganizan determinados organismos públicos, o IEO quedou integrado no CSIC (CSIC-IEO) como centro nacional (artigo 26 bis), suprimíndose así a súa personalidade xurídica diferenciada. O



CSIC-IEO ten como misión a investigación e o desenvolvemento tecnolóxico, incluída a transferencia de coñecementos, sobre o mar e os seus recursos e dispón na Comunidade Autónoma de Galicia de dous centros oceanográficos (en Vigo e A Coruña) que encadran un total de 210 empregados dos que 75 son investigadores.

2. Que a Axencia Galega de Innovación é unha axencia pública autonómica encadrada nas entidades instrumentais do sector público autonómico reguladas no título III da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, tal e como se recolle no Decreto 50/2012, do 12 de xaneiro, polo que se crea a Axencia Galega de Innovación e se aproban os seus estatutos (modificado polo Decreto 15/2014, do 6 de febreiro).

A Axencia Galega de Innovación é unha axencia pública autonómica, adscrita á Consellería de Educación, Ciencia, Universidades e Formación Profesional pero con personalidade xurídica propia, que ten como finalidade fomentar e vertebrar as políticas de innovación nas administracións públicas galegas, e o apoio e impulso do crecemento e da competitividade das empresas galegas, a través da implantación de estratexias e programas de innovación eficientes.

3. Que a Lei 5/2013, do 30 de maio, de fomento da investigación e da innovación de Galicia, no seu artigo 1, formula como obxecto establecer o marco para o fomento da investigación e do desenvolvemento tecnolóxico, de transferencia e valorización de resultados e de innovación en Galicia en todas as súas vertentes, así como da súa xestión eficiente.

A Estratexia de Especialización Intelixente (RIS3) de Galicia 2021-2027, aprobada por acordo do Consello da Xunta de Galicia do 8 de abril de 2022, define o marco das políticas de investigación e innovación na Comunidade Autónoma para este período. Como instrumento de planificación operativa para a súa implementación entre 2025 e



2027, o Consello da Xunta aprobou o 3 de febreiro de 2025 o Plan galego de investigación e innovación 2025-2027.

O presente convenio enmárcase na RIS3 de Galicia 2021-2027, aliñándose co reto 1 (modelo de xestión de recursos naturais e culturais baseados na innovación) e coa prioridade 1 (sostibilidade). Así mesmo, contribúe ao obxectivo estratéxico 1, integrándose polo tanto no programa Integra da RIS3 e no programa Coñecemento do Plan galego de investigación e innovación 2025-2027.

4. Que a Consellería de Educación, Ciencia, Universidades e Formación Profesional, a través da Axencia Galega de Innovación, e o CSIC consideran que estes convenios para o desenvolvemento de programas de I+D+i son un instrumento eficaz de financiamento para a promoción da I+D+i de excelencia en Galicia. O convenio promove e incentiva o esforzo na obtención de resultados de calidade e facilita o apoio á formación e estabilización de persoal investigador. Establécese sobre a base dos resultados contrastables da actividade investigadora e innovadora e co compromiso de desenvolver un programa por obxectivos individualizado no que se plasmen os fitos que se esperan obter, necesariamente ligados a unha mellora obxectiva nos resultados da actividade investigadora e innovadora.

Dada a especificidade do obxecto do convenio non procede a realización dunha convocatoria pública para o desenvolvemento das actuacións do mesmo, debido as especiais características e singularidade do CSIC como organismo de referencia en España na investigación científica e tecnolóxica, así como ás especiais características do CSIC-IEO como centro de referencia en España no relativo á investigación e desenvolvemento tecnolóxico sobre o mar e os seus recursos naturais. Así mesmo, convenios similares serán asinados coas fundacións de investigación sanitaria integrantes do sistema rexional de I+D+I dependentes do Servizo Galego de Saúde.





5. O exposto anteriormente acredita as razóns de interese público que xustifican a sinatura deste convenio, que se enmarca nun programa da Axencia Galega de Innovación que ten como finalidade impulsar a I+D+i nos centros de investigación, radicados en Galicia, de Organismos Públicos de Investigación.

6. Que a Axencia Galega de Innovación (ou a entidade que nun futuro poida desempeñar as competencias en materia de investigación, transferencia e innovación) financiará as actuacións con cargo á aplicación orzamentaria que se indica no cadro seguinte, na cal existe crédito adecuado e suficiente:

<b>Aplicación orzamentaria</b>	<b>2025</b>	<b>2026</b>	<b>Total</b>
07.A2.561A.703.0	628.500 €	628.500 €	1.257.000€

O libramento destes fondos realizarase conforme á normativa vixente.

7. Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela.

